



Policijska akcija "Plamen" na suzbijanju trgovine ljudima u Zenici

Mirsad Čolaković podvodio maloljetnicu

Istražitelji pretresli i "Stari hotel", čiji je vlasnik Čolakovićeve supruga Slavica

• Tokom pretresa pronađeno 400 prezervativa



Pripadnici Državne agencije za istrage i zaštitu jučer su na području Zenice proveli akciju kodnog naziva "Plamen" te su uhapsili Mirsada Čolakovića iz Zenice zbog sumnje da je počinio trgovinu ljudima.

Izvršeni pretresi

Tokom akcije istražitelji su pretresli objekte na tri lokacije na području Zenice. U pretresu su oduzeti mobi-

teli sa SIM karticama, lična kartā i zdravstvena knjižica koje pripadaju maloljetnoj ženskoj osobi, žrtvi trgovine ljudima, te skoro 400 prezervativa. Maloljetnica je odvedena na ljekarski pregled. U saopćenju SIPA-e ne navodi se je li strana ili domaća državljanka. Istražitelji ispituju kojim je kanalima maloljetnica dospjela u ruke trgovaca ljudima.

Nakon ljekarskog pre-

gleda, maloljetnica će biti smještena u jednu od sigurnih kuća u koje se smještaju žrtve prostitucije i trgovine ljudima.

Uhapšeni saslušan

Uhapšeni Čolaković priveden je u prostorije SIPA-e, gdje će biti saslušan, a potom i predat u nadležnost Tužilaštvu BiH.

Kako saznajemo, jedan od objekata koji je pretresen

tokom akcije je i hotel "Stari hotel" u Nemiljoj, čiji je vlasnik Čolakovićeve supruga Slavica. Ovaj objekt i ranije je pretresan u policijskim akcijama koje su bile usmjerene na suzbijanje prostitucije. U njemu je proteklih godina na djelu uhvaćeno šest rumunjskih državljanke koje su se u prostorijama hotela bavile prostitucijom.

Ad. A. - A. Dž.